



倭宋詞痕外篇和小山詞

吳湖帆 倩庵



臨江仙八首

密約誰知有約。鍾情偏道無情。心中暗計羨前程。相思
珠簌。癡立玉亭。望浙遙天雁影。似聞隔院琴聲。
羞花擲果兩知名。雙栖微願了。一笑許傾城。

青帳舊歡多。麗紅窗初日方長。木蘭雙槳艤橫塘。花遮
烟雨好。人晚粉脂香。艸綠迷歸吳苑。風流小駐錢唐。
吹笙伴醉互評量。今宵休便去。低問宿誰行。

漫道頻年容與。欲傾積愫還稀。何從酬唱定情詩。雲行

流水外。月約惜花時。密意微傳心會。偷歡祇怕人知。却愁春去挽春歸。柳梅爭渡日。桃李滿園枝。

紅映小橋闌曲。綠遮細柳簾垂。十分芳緒惱人時。月明
荅似語。春滿蝶爭飛。傍水湘靈解珮。疑雲蜀錦紉衣。
夢闌魂斷又尋思。天台從路隔。空悵阮郎歸。

春滯媽紅著處。雨霏新綠生時。誰家庭院有鶯啼。風情
吹柳絮。人面折花枝。襟上頻添淚粉。心中無限芳菲。
子規常道不如歸。黯憐蛛結網。爭羨燕交飛。

緣問藍橋何處。會教萍水能逢。屏前相遇送春風。笑盈
眉展碧。羞暈頰流紅。萬事多磨時阻。幾番低訴心同。

可憐好景易成空。絮飛人別後。花落夢痕中。

檢點溫情綺夢。幾回淺醉閑眠。黃昏絮語小燈前。每逢
梨雨夜。辜負杏花天。蘇小當門有柳桃。根欲渡無船。
十年相見祇相憐。從今雲迹散。何處月重圓。

眼底流紅飛點點。尊前凝綠自親親。傾杯無語漬羅巾。
西窗曾翦燭。南陌不逢人。醉裏真能老。解語醒來原
是夢中身。秋風卷幙不嫌頻。千金拚買淚。一笑又生春。

泛清波摘遍

鴛鴦舫小。揚柳腰柔。隻槳漸移湖上好。燕嬌鶯怯。可是
春光尚時早。西陵道。紅樓倚馬。珠戶調琴。前度杏花

深處了。鈿合釵分。便覺輕狂縱年少。鏡華渺。驚斷艷
陽逝波。忍看謝池芳草。迴想油車袖香。繡隄籠曉。嘆
人杳。秦路舊迹盡迷。藍橋甚時重到。怎怪多情宋玉。夢
魂傾倒。

鷓鴣天 十九首

淺逗深情一笑鍾。低頭蒼面幾番紅。小樓不寐聽春雨。
繡戶斜開漏曉風。輕忍別。再難逢。天涯芳草夢誰同。
藍橋空惹相思約。只與蕭郎陌路中。

玉鏡台前暗送香。侵晨淺約敢輕狂。蝶翻金粉偎春暮。
花冒殘紅惱艷陽。情縹緲。影微茫。思縈離恨日偏長。

綠箋密記花前事。青鳥無憑淚幾行。

隔水驚鴻會遠心。輕歌緩拍覓知音。窗前邀月情何切。
卷下遺箋意自深。聽夜漏。度鄰砧。黃庭初拓背人臨。
忽傳家報催歸急。忍淚無辭抵萬金。

滄海探珠爛熯遊。五湖舊約一扁舟。風翻前度桃花扇。
月印當年燕子樓。山斂翠。水凝流。江南好景信多愁。

周郎曲顧無雙曲。宋玉秋悲第幾秋。

一曲隻成憶鳳簫。烏雲髻。最妖嬈。銀鐙灑灑春還滿。
玉笛悠揚恨自消。河漢。漢迢迢。菱尖衩試瘦裊腰。
憑將千日溫鴛夢。何羨雙星渡鵲橋。

何必溫存貼玉腮。唾絨爭逐笑顏開。門闌雪鬢獨兒躍。
花隔風屏鳳子來。撩玉笋。墜金釵。一時微愠鎖陽臺。
宮鴉竇髻頻。按鴛被。重熏意又回。
羅扇輕衫納夜涼。油車寶馬掣斜陽。小休村渡黃茅店。
倦旅梵宮白玉床。脂泛艷粉生香。一團紅玉夢尋長。
沈西曉月多情照。教護侵寒進卯觴。
慣底心。兩印同心。一曲抵千鍾。低偎笑。壓香膚雪。
倦舞殘妝翠袖風。春思蕩。酒顏紅。鴛鴦被暖不嫌冬。
琉璃窗外天如水。碧海今宵月滿空。
開遍荼蘼乍過春。滿天飛絮撲離人。深。院落花經雨。

悄。簾櫳柳拂雲。斟別酒。帶微醺。縷金衫子薄羅裙。
回頭欲說渾無語。珍重三聲後。會君。

群玉山頭珮響傳。瑤臺卷影分。神仙東坡芳草朝雲伴。
西子吳宮夜月前。消永晝。怯流年。落霞秋水共長天。
多緣鳳股分釵恨。重試鸞妝對鏡圓。

風雨連宵春易殘。樓前不語倚闌干。落花未識難成果。
流水無情去不還。休漢。便閑。黃金乏術駐芳顏。
花開好處應須折。向紗籠護碧寒。

記得歡娛少壯時。東鄰容與舊相知。非關後約原前約。
諱說無期暗有期。雲淡。月遲。金爐烟裊結春思。

崔郎合對桃。京兆能描柳葉眉。

燕子南飛雁北歸。兩重心字一篇詩。風塵咫尺遊絲斷。

雲路迢遙倦夢回。紫綺思點春衣。碧桃搖曳綠窗西。

春風人面胡麻飯。崔護劉郎不自知。

墜絮飄紅貼地飛。春歸何處鴉長啼。東風不管花狼藉。

恁借秋千送向誰。吹浪遠逐波微。斜陽淚滿點征衣。

天涯芳艸王孫怨。夢斷離魂倩女歸。

小小池塘去採蓮。心味苦孰能傳。鴛鴦葉底三更夢。

翡翠屏前六月天。清露重寶珠圓。釵鈿忍說好因緣。

憑誰能奏琴心曲。撥到求凰故急絃。

出水紅妝懶画眉。莫將清鏡誤淤泥。芳名解語明璫佩。
羅襪凌波錦帶垂。凝望遠。恨逢遲。風流還續洛川詩。
憑虛翠蓋鴛鴦夢。月約香偷度不期。

脂印心田一點紅。丹青引裡早生逢。西樓酒賭蒼間句。
南陌香吹帶角風。潘令老。步兵窮。青衫紈扇賦情同。
從今不許尋常見。縹緲巫雲十二峯。

暗裏殷：試嫁衣。個中消息祇君知。雙針素縷香羅帶。
小字親題玉枕詩。隨月影。步雲墀。兩情泥水合丸時。
鍊成花底同心繭。真結人間連理枝。

愁酒曾澆信力微。癡心底澈忍嬌啼。紅綃袖卷雕闌舞。

紫燕巢傍画棟飛。情幻極。夢真時。天涯何處不同歸。
卿，我：相隨約。世：生：無盡期。

思遠人

迴憶西窗秋夢斷。簾底記曾客。當筵聚散。些時歡愛。還
向鏡中得。淚珠莫負紅巾滴。慘淡和箋墨。算幾度蜜
情。似雲如電。微茫盡春色。

河滿子 荷花

綺結三生霞珮。采翻十里湖光。水鄉深處泥不染。風前
一片清香。窈窕魂縈洛浦。依稀夢斷瀟湘。猶記當年
玉立。愁思九疊迴腸。月明人靜瑤台下。盈：倩舞輕妝。

獨具出羣標格。何如玉蕊唐昌。

又七夕

渺。銀河似練。盈。新月如鉤。好緣天上佳話。事人間。藉此嬉遊。合意鴛鴦帶結。離情楊柳梢頭。試把花期。回數。那堪流水無休。斷雲殘雨。都成夢。醒幾許。閑愁。清鎖梧桐深院。無言獨倚西樓。

碧牡丹

乍夢秋風扇。還識樓梁燕。一段離情。恍認花飛人遠。舊約難憑。芳信思量遍。別來消瘦深院。正無限。自恨年又晚。茫。境遷時換。綺陌曾遊。繫惹柳絲長短。怕說溫

柔歌罷從頭願。隨陽猶認歸雁。

兩同心

夢迴佳景。路隔秦源。不自在高山流水。却留戀。麝雨芳塵。憑難遣。淡映芸牕。虛掩蓮門。便好賭。句携尊。詩思凝魂。倚画檻。相憐。老簇臨金鏡。怕惹雲昏。情何限。一卷春風。雙袖脂痕。

行香子

擷翠拈紅。離會匆匆。縱無心相感。情同。語傳眉嫵。翩若驚鴻。恍洛浦雲。湘皋雨。楚臺風。芳菲老。影悠颺。蝶夢暗。凝魂餘恨難窮。譜翻簫鳳。絲婉琴桐。似燕歸梁。魚游

水馬行空。

清平樂

庭前綠艸。祇恨芳菲早。淡。春山眉淺掃。綠蓋青羊未
老。尋思語重心長。幾番醉月飛觴。不覺紅情斜照。嬌
如蒼露初陽。

吹簫自問。難道無緣分。細柳絲。多結恨。繫馬斜陽遠
近。憐才多少情鍾。沈思淚影重。何事魂銷腸斷。還
期夢裡相逢。

風吹水皺。夢約黃昏後。記得同車携翠袖。恨晚相逢如
舊。歸時明月當頭。酒闌難被清愁。許是兩心能印。低

聲笑指紅樓。

向程無住。携手同歸去。語密言長。忘淺路。轉眼画樓過

處。離心印。常青依景觸。牽情回首。夢魂如昨。月

移。蒼影難憑。

池塘春艸。去恨何時了。花影偏多人面少。一樣宮梅嬌

小。相思舊曲琵琶。依徊新月窗紗。何況飛瓊伴侶。紫

懷詠繁才華。

綠棧密記。花底多情事。諫果曾嘗先苦味。咀嚼英華真

意。桃源何處相尋。露珠任滴衣襟。漢水寧路曲。重

重山奧雲深。

行雲有意流水心如碎。腸斷不堪提往事。錦字紅箋誰寄。風來秋警梧桐。月移簾影朦朧。不料今宵難寐。與消漏永聲中。

春來秋去。極目天涯路。細雨斜風飛不度。燕子定巢何處。離情愁緒多端。難窮曲水重山。無限身心倚遍。眸凝十二闌干。

伊人何處。幾度來還去。那日馬蹄芳艸路。惹起寸心萬緒。畫樓繡戶斜開。待携明月重來。黛影雙脩翠柳。脂痕一點紅梅。

低徊不盡。難了尋芳信。獨自拈釵撩短鬢。彷彿愁春未

醒。無聊深鎖瓊樓。背人閑唱伊州。燕子飛歸風重。花先捲簾鉤。

敷文盡去。隽語無嫌絮。醉意狂情禁不住。爭似誰家深處。窗前月色微昏。更闌悄掩重門。正好相傾肺腑。勝於真個銷魂。

脂香霑袖。如醉葡萄酒。詩意門藏栽五柳。寶樹芳鄰綵壽。動人似叩心絃。柔情都繞燈前。一笑眸迴夙印。今宵明月華圓。

線。燈飄路轉。散了花間宴。蜀錦新袍賜春殿。猶是個儂針線。行。醉眼如迷。重尋閨苑幽栖。今夜素娥來下。無

須取月雲梯。

歸遲莫怨。慣惹遊絲轉。欲問一春能幾見。玉指數來都
徧。滿園斜日籠明。裁花翦葉無憑。訴與東風休怪。燕
兒生小多情。

殘燈乍醒。好夢愁無定。枕角窺人斜月影。翠地冰簾風
靜。幾回北雁南征。幾多水驛山程。正是相思難計。誰
家玉笛飛聲。

尋：多遍。却在屏風轉。雙臉斷紅嬌一片。黛淺微含幽
怨。斜陽漸下樓邊。黃金不換華年。難怪昨宵半醉。玉
纖猶捧觥船。